



**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 4. Vtrum post Christum debuerint esse aliqua Sacra menta.

[urn:nbn:de:hbz:466:1-72898](#)

12 Quæst. 61. De Necessitate Sacramentorum. Art. 3. 4.

In statu innocentia certe cæremonia fuisse in illo statu futuras certas cæremonias diuinitus inspiratas, & in toto humano genere seruandas; ut rectè docet Durandus dist. 1. quæst. 2. & insinuat D. August. lib. 8. de Genesi ad Literam c. 4.

cum ait, Nec sine Mysterijs rerum spiritualium corporaliter presentatis voluit Deus hominem in Paradiso vivere: haec tamen cæremonia non debebant idcirco esse Sacra menta, quia non contulissent gratiam internam aut externam ex opere operato; quod necessarium est ad rationem Sacramenti. Quod si in eo statu aliqui peccassent, satis fuisse remedium contritionis; nam pauci lapsi fuisse, & hi facilè respuissent per gratiam preuenientē, suā miseriā & aliorum felicitate edociti.

ARTICVLVS IV.

Utrum post Christū debuerint esse aliqua Sacra menta?

Respondetur, In lege noua debebant esse aliqua Sacra menta distincta à Sacra mentis legis Veteris. Probatur Primo, Quia aliter debent præfigurari futura, aliter repræsentari iam præfigurata vel exhibita. Atqui Sacra menta legis Veteris præfigurabant mysteria Christi futura, nostra autem debent repræsentare iam exhibita: ergo debent esse distincta. Vide D. Augustinum lib. 19. contra Faustum c. 13. & 16. Secundo, Quia statutus nouæ legis est perfectior tunc cognitione, tunc gratia; ergo & eius Sacra menta debent esse perfectiora tunc in significando, tunc in efficiendo. Tertio, Sacra menta vetera tantummodo erant idonea ad paedagogiam infantium in fide: ergo inepta statutus nouæ legis, qui est virilis. Quarto, Quia illa Sacra menta erant vmbrae, figure, parabolæ instantis temporis, exemplaria celestium, ad Hebreos 9: ergo debebant euangelizare, veritate succedere, & alia institui qua verè essent coelestia. Quinto, Quia homini difficultissimum est disponere se gratiam, insistere rebus spiritualibus, & operibus supernaturalibus vita æternæ meritorij: ergo necessarium fuit illi subuenire quibusdam cæremonijs externis, quibus sine magno labore gratiam consequeretur; alioqui paucissimi saluti fuissent; quod non est consentaneum statutus nouæ Legis, qui est status gratiae & misericordiae.

QVÆSTIO LXII.

De principali effectu Sacramentorum,
qui est Gratia.

In Sex Articulos diuisa.

ARTICVLVS I.

Utrum Sacra menta sint causa
Gratiae?

Respondetur Affirmatiuè. Notandum est, Omnes Hæreticos huius temporis sentire, quod Sacra menta non conferant gratiam, sed sola fides: Sacra menta autem esse dumtaxat cæremonias quasdam, quibus fidem nostram coram Ecclesia profitemur: ita Swinglius & Buccerus. Vel symbola quedam bonorum operum; Exempli gratia, Baptismum esse signum affectionum, quas Christiani debent perfere; & ob hunc finem dumtaxat Baptismum sumi; ita Anabaptistæ. Vel esse signa, quæ significant nos iustificari per fidem, qua diuinæ promissiones apprehendimus, dum applicantur Sacra menta: ita Lutherani. Vel denique esse signa & sigilla, quibus Deus testetur conscientijs nostris nos antea esse iustificatos per fidem vel nostrâ vel parentum: ita Calvinista. Vnde omnium Hæreticorum sententiâ, Sacra menta per se nihil confe-

runt, sed sola fides: ipsa autem sunt nuda cæremonia, & arida signa, non minus quam cæremonie veteris Legis; quod olim tenuere Caiani apud Tertullianum, contra quos scriptit librum de Baptismo; & Armeni, teste Guidone, verbo Armeni.

Dico Primo, Sacra menta nouæ Legis non sunt causa primaria gratiae nec efficiens, nec meritoria: primaria enim efficiens est solus Deus per diuinitatem; meritoria est Christus Dominus per humanitatem.

Dico Secundo, Certum tamen est de fide, omnia Sacra menta nouæ Legis per se & ex opere operato conferre gratiam sanctificantem non possentibus obicem.

Vbi nota; Sacra menta dici conferre gratiam ex opere operato, ob duas causas: Prima, Quia Conferunt non quæ opus hominis, sed quæ ex opere opus Dei; id est, quatenus fuit opus à Deo institutum: vnde Ex opere operato idem est, ac si dicas, Ex diuina institutione: quomodo etiam actus internum, vt nuda fides, vel attrito conferret gratiam ex opere operato, si Deus decreuisset hominē per tales actus sanctificare. Secunda, Quia Sacra menta gratiam